



ИНСОН ва ҚОНУН

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИНИНГ ХУҚУҚИЙ ГАЗЕТАСИ
 ● 2008 йил 16 сентябрь ● сешанба ● № 40 (599) ● e-mail: inson_va_qonun@mail.ru

● **Ўзбекистон Миллий университети — 90 ёшда**

ИЛМ ВА МАЪРИФАТ МАСКАНИНИНГ ЁРҚИН ИСТИҚБОЛИ



Президентимизнинг 2008 йил 9 апрелдаги «Мирзо Улугбек номидаги Ўзбекистон Миллий университетининг 90 йиллигини нишонлаш тўғрисида»ги Қарори мамлакатимиздаги барча зиёлилар қатори ҳуқуқшунослар қалбини ҳам тўлқинлантириб юборди. Эеро, юртимизда ҳуқуқшунослик соҳасининг ҳам бешити мана шу ўқув даргоҳи бўлган. Юбилей муносабати билан бу ўқув даргоҳида қатор тадбирлар ва анжуманлар ўтказилмоқда.

ТАРИХГА БИР НАЗАР

Бугунги кунда катта нуфузга эга бўлган университетимиз 1918 йилда ташкил этилган бўлиб, у қатор йиллар турли номлар билан аталиб келинган. Яъни, 1918 йилда Мусулмон халқ дарилфунуни, 1918-1919 йилларда Туркистон халқ университети, 1919-1923 йилларда Туркистон давлат университети, 1923-1960 йилларда Урта Осиё Давлат университети, 1960-2000 йилларда Тошкент Давлат университети деб номланган.

Вазирлар Маҳкамасининг 1995 йил 14 сентябрдаги «Тошкент Давлат университетига Мирзо Улугбек номи бериш тўғрисида»ги қарорига биноан Тошкент Давлат университети буюк олим ва мутафаккир аждоғимиз Мирзо Улугбек номи берилган.

Президентимизнинг 2000 йил 28 январдаги «Тошкент Давлат уни-

верситетига «Ўзбекистон Миллий университети» мақоми бериш тўғрисида»ги Фармони билан бу кутлуғ ўқув даргоҳи янада юксак мақомга эга бўлди ва у айна пайтда Мирзо Улугбек номидаги Ўзбекистон Миллий университети деб аталмоқда.

ИЛМИЙ САЛОҲИЯТ

Миллий университетимиз бугун кўплаб соҳалар учун малакали, етук мутахассислар тайёрлайдиган илм ва маърифат масканига айланган. Айна вақтда унинг таркибиде 13 та факультет (тупроқшунослик, география, геология, журналистика, иқтисодиёт, кимё, механика-математика, тарих, фалсафа, физика, хорижий филология, ўзбек филологияси, ҳуқуқшунослик), 95 та кафедра, 16 та илмий лаборатория фаолият кўрсатмоқда. Шунингдек, Олий педагогика институти, Амалий физика илмий текшириш институти,

● 2008 йил — «Ёшлар йили»

Олий адабиёт ҳамда Олий журналистика курслари, 2 та академик лицей, ўқув-амалиёт маркази, Ижтимоий тадқиқотлар маркази, Амалий экология ва Табиатдан унумли фойдаланиш марказлари ишлаб турибди.

Республикамиз халқ хўжалиги соҳалари учун юқори малакали кадрларга бўлган эҳтиёжни инобатга олган ҳолда биоинформатика, биокимё, биофизика, генетика, фойдали қазилмалар конларини қидириш ва башорат қилиш, компьютер лингвистикаси каби яна кўплаб янги таълим йўналишлари бўйича мутахассислар тайёрлаш ҳам йўлга қўйилди.

Аспирантлар ва илмий тадқиқотчиларнинг илмий ишлари ҳимоясини амалга ошириш мақсадида университетда 12 та, жумладан, 7 та докторлик ва 5 та номзодлик ҳимоялари бўйича Ихтисослашган кенгашлар фаолият юритмоқда, 79 та ихтисослик бўйича фан номзодлари, ва 25 та ихтисослик бўйича фан докторлари тайёрланмоқда.



МУРОЖААТЛАР «ИНСОН ва ҚОНУН» НИГОҲИДА

ҚАРЗДОРГА ҚАЙТАРИЛДИ

«Инсон ва қонун» ҳуқуқий газетаси мухбири С.Ўдиқовнинг «Бир минарга от берма» мақоласи Суд департаменти томонидан ўрганилди.

Аниқланишича, Сурхондарё вилояти хўжалик судининг 2008 йил 31 мартдаги қарздор «Ангор-пахта ОТХЖ»дан «Матбуот таркатувчи» шўба корхонаси фойдасига 6,0 миллион сўм ундириш ҳақидаги ижро ҳужжати суд ижрочиларининг Ангор тумани бўлими иш юритувига 2008 йил 15 май кuni келиб тушган.

Суд ижросини томонидан амалга оширилган мажбурий ижро ҳаракатлари жараёнида қарздорга тегишли «Нексия» русумли автомашина хатлашиб, мутахассис томонидан 14,1 миллион сўмга баҳоланган ва 2008 йил 4 июлда реализация қилиш учун биржага топширилган.


Ўтказилган биржа савдоларида ушбу автомашинага харидор топилмаганлиги сабабли 2008 йил 11

август кuni қайта савдога қўйилган.

2008 йил 15 август кuni қарздордан инкасса топшириқномаси орқали суд ижрочиларининг депозит ҳисоб рақамига 6,0 миллион сўм ундирилган бўлиб, ушбу сумма 2008 йил 18 августда «Матбуот таркатувчи» шўба корхонаси фойдасига ўтказиб берилган.

Шунга қўра, ижро иши юритуви тамомланган ва автомашина сотувдан олиниб, қарздорга қайтарилган.

Сурхондарё вилояти хўжалик судининг 2007 йил 6 сентябрдаги қарздор Жарқўрган тумани «Сурхонпахта» ОТХЖдан



ундирувчи вилоят «Матбуот таркатувчи» шўба корхонаси фойдасига 4,2 миллион сўм ундириш ҳақидаги ижро ҳужжати ўрганиш кунига қадар суд ижрочиларининг Жарқўрган тумани бўлими иш юритувига келиб тушмаганлиги аниқланди.

У.АБДУАЛИЕВ, Республика суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаменти бошқарма бошлиғи

ШИКОЯТ ЎРГАНИБ ЧИҚИЛДИ, ҚАРОР БЕКОР ҚИЛИНДИ

Қарши шаҳри 7-кичик туман, 5-уй, 6-хонадонда яшовчи фуқаро Эсанова Муқаддаснинг Миришкор тумани ИИБ бошлиғи ўринбосари Самадов Тўлқин томонидан содир этилган ноқонуний ҳаракатлар юзасидан чора кўрилмаганлиги ҳақидаги аризаси мавжуд материалларни ўрганиш орқали кўриб чиқилди.

Аниқланишича, М.Эсанова Миришкор тумани ИИБ бошлиғининг ўринбосари Т.Самадов билан

2006-2007 йиллар мобайнида фуқаровий никоҳда яшаб келган. 2007 йилда қизи Эъзоз туғилганидан кейин муносабатлари ёмонлашиб, Т.Самадов М.Эсанова ва болаларининг таъминоти билан қизиқмай қўйганлиги ҳақида Қарши шаҳар прокурори номига ариза ёзиб, чора кўришни сўраган.

Ариза юзасидан Қарши шаҳар прокурорининг 2008 йил 27 апрелдаги 16/399-2008-сонли алоқа хатига асосан Қашқадарё вилояти ИИБ масъул ходимлари таркибидеги комиссия томонидан хизмат текшируви ўтказилган ва Т.Самадов томонидан Ўзбекистон Республикаси ИИВининг 1993 йилдаги 446-сонли буйруғи билан тасдиқланган «Касб одобномаси» талабларига амал қилинмаганли-

ги аниқланиб, лавозимидан озод қилиш ҳақида Ички ишлар вазирлигига таклиф киритилган ва Миришкор тумани ИИБ бошлиғининг ўринбосари лавозимидан озод қилинган.

М.Эсанованиннг аризаси юзасидан тўлланган материаллар бўйича Қарши шаҳар прокурорининг ёрдамчиси А.Боймуродов томонидан терговолди текшириш ҳаракатлари ўтказилган ва текшириш натижасига қўра Т.Самадовнинг ҳаракатларида жиноят бўлмаганлиги қайд этилиб, 2008 йил 16 июнь кuni ЖПКнинг 83-моддаси, 2-бандига асосан жиноят иши кўзгагиштириш рад қилиш ҳақида қарор қабул қилинган.

Ушбу қарор вилоят прокуратураси томонидан назорат тартибда ўрганиб чиқилиб, 2008 йил 2 сентябрда бекор қилинди.

А.ЖўРАЛОВ, Қашқадарё вилояти прокурорининг 1-ўринбосари, адлия маслаҳатчиси

Тизим Тадбирлари

МУНОСИБ
 ВОРИСЛАРИМИЗ

Муस्ताқил юртимизда яратилган кенг имкониятлар, катта ғамхўрликларга жавобан ёшларимиз ўз билим ва иқтидорлари билан дунё миқёсида Ўзбекистон шаънини улуғлаб, ажойиб ютуқларга эришмоқдалар.

Яқинда Корея Республикасида Осиёнинг 22 давлатидан ташриф буюрган ёшлар иштирокида ўтказилган «Осиё келажаги учун ёшлар» халқаро фестивалида ўзбекистонлик талабалар фаол катнашиб, голибликни қўлга киритдилар. Улар орасида «Инсон ва қонун» газетасининг махсус мухбири Дилфуза Эргашева ҳам бор.

Адлия вазирлигида бўлиб ўтган учрашувда Дилфуза Эргашева Кореяда олган таассуротлари, хорижий ёшларнинг юртимиз маданияти, илм-фанига қизиқишлари ҳақида сўзлаб берди. Учрашув қизгин савол-жавоб тарзида ўтди.

Дилором МАТКАРИМОВА

ОЛИЙ ҚАДРИЯТ

Навоий шаҳрида Олий Мажлисининг Инсон ҳуқуқлари бўйича вакили (Омбудсман) ҳамда Европада Хавфсизлик ва ҳамкорлик ташкилотининг Ўзбекистондаги лойиҳалари мувофиқлаштирувчиси ташаббуси билан Адлия вазирлиги, Ички ишлар вазирлиги, Олий суд, Бош прокуратура, Ўзбекистон судлар ва адвокатлар ассоциациялари ҳамкорлигида ўтказилган семинар «Омбудсманнинг инсон ҳуқуқларини ҳимоя қилишда судлар ва ҳуқуқни муҳофаза қилувчи органлар билан ҳамкорлиги» мавзусига бағишланди.

Олий Мажлисининг Инсон ҳуқуқлари бўйича вакили (Омбудсман) С.Рашидова, лойиҳа мувофиқлаштирувчисининг катта маслаҳатчиси Б.Пуо ҳамда республикадаги ҳуқуқ-тартибот идоралари вакиллари билан иборат эксперт гуруҳлари аъзолари томонидан тақдим этилган барча чиқишларда инсон ҳуқуқлари олий қадрият сифатида эътироф этилиб, Ўзбекистонда бу борада амалга оширилаётган ишлар хусусида фикрлар билдирилди.

Маруса ҲОСИЛОВА,
 «Инсон ва қонун» мухбири

СОҒЛОМ ОИЛА — СОҒЛОМ ФАРЗАНД

Президентимизнинг 2008 йил 18 июндаги «Болалиқдан ногиронлар туғилишининг олдини олиш учун туғма ва ирсий касалликларни барвақт аниқлаш Давлат дастури тўғрисида»ги Қарори ижроси юзасидан вилоят адлия бошқармаси томонидан соғлиқни сақлаш бошқармаси билан ҳамкорликда иш режаси ишлаб чиқилиб, ушбу режага асосан вилоят скрининг марказида «Соғлом оилда соғлом фарзанд туғилади» мавзусида семинар ўтказилди.

Ушбу семинарда қон-қариндошлар ўртасидаги никоҳларнинг салбий оқибатлари, никоҳ ва саломатлик, оилда тиббий маданият, никоҳдан олдин тиббий кўрик, эрта никоҳнинг зарарли оқибатлари, репродуктив саломатлик мавзуларига алоҳида эътибор қаратилди.

Гулиҳаё РАСУЛОВА,
 Сирдарё вилояти адлия бошқармаси ходими

ЙЎЛ-ЙЎРИҚЛАР АСОСИДА

Хоразм вилояти адлия бошқармасида «Жамиятда ҳуқуқий маданиятни юксалтириш — асосий вазифамиз» мавзусида амалий семинар машғулотида бу борада устувор вазифалар ечими билан боғлиқ қатор саволларга жавоб изланди. Президентимизнинг «Ҳуқуқий тарбияни яхшилаш, аҳолининг ҳуқуқий маданияти даражасини юксалтириш, ҳуқуқшунос кадрларни тайёрлаш тизимини такомиллаштириш, жамоатчилик фикрини ўрганиш ишини яхшилаш ҳақида»ги Фармони талабларини бажаришга қаратилган тадбирлар ана шу саволларнинг амалдаги жавоби эканлиги анжуманда алоҳида таъкидланди.

Бугунги кунда фуқаролар ўз ҳақ-ҳуқуқлари юзасидан турли идораларга эмас, балки айнан тегишли ваколатли маҳамаларга мурожаат қилишга, шартномавийлик ҳаёт мезонига айланаяпти.

Семинар машғулотида аҳоли ҳуқуқий билимини оширишга қаратилган тадбирлар самарадорлигини, мутасаддилар масъулиятини янада ошириш борасидаги вазифаларни изчил бажариш йўл-йўриқлари асослаб берилди.

Илҳом ТЎРАЕВ,
 Хоразм вилояти адлия бошқармаси масъул ходими

ҲУҚУҚШУНОС-МАСЛАҲАТЧИЛАР ТАДБИРИ

Олтириқ тумани ҳокимлиги мажлислар залида Вазирлар Маҳкамасининг 2007 йил 24 августдаги «Давлат ва хўжалик бошқаруви органлари, маҳаллий ҳокимият органлари, давлат корхоналари, муассасалари ва ташкилотлари фаолиятини ҳуқуқий таъминлаш даражасини янада ошириш чора-тадбирлари тўғрисида»ги қарорининг мазмун-моҳиятига бағишланган давра суҳбати бўлиб ўтди.

Вилоят адлия бошқармаси томонидан ташкил этилган мазкур тадбирда тумандарга юридик хизмат ходимлари иштирок этиб, уларнинг қизиқтирган саволларга жавоб олишди.

Шунингдек, ҳуқуқшунос-маслаҳатчилар таклифига биноан келгусида бундай тадбирларни тез-тез ўтказиб туришга келишиб олинди.

Шоҳистахон КАРИМОВА,
 Фаргона вилояти адлия бошқармаси ходими

